

Na pisani zahtjev za produženje radnog odnosa Općinskog pravobranioca Husić Rasima od 15.03.2022. godine, člana 21. stav 1) Zakona o lokalnoj samoupravi Unsko – saskog kantona („Službeni glasnik USK-a“, broj: 8/11), kao i člana 94. stav 1. tačka c) i 95 Zakona o radu FBiH („Službene novine FBiH“, broj: 26/16 i 89/18), Općinsko vijeće Općine Velika Kladuša na ____ redovnoj sjednici održanoj dana _____ daje

SAGLASNOST
Općinskom načelniku
za potpisivanje Sporazuma sa Općinskim pravobraniocem

Član 1.

Zadužuje se Općinski načelnik Općine Velika Kladuša da sa Općinskim pravobraniocem Husić Rasimom imenovanim Rješenjem Općinskog vijeća, broj: 01-04-225/20 od 15.09.2020. godine, na period od 4 godine, zaključi Sporazum o produžetku rada odnosno prestanku radnog odnosa sa **31.12.2022. godine.**

Član 2.

Ova Saglasnost stupa na snagu danom objavljivanja u „Službenom glasniku Općine Velika Kladuša“

O b r a z l o ž e n j e

Husić Rasim dipl.pravnik imenovan je za Općinskog pravobranioca Općine Velika Kladuša Rješenjem Općinskog vijeća br.01-04-225/20 od 15.09.2020 na mandatni period od 4 godine. Na osnovu evidencije uposlenika koju vodi Jedinstveni općinski organ uprave Općine Velika Kladuša za Općinskog pravobranioca, utvrđeno je da imenovani ispunjava uslove za odlazak u starosnu penziju sa napunjenih 65 godina života i najmanje 15 godina staža osiguranja, što je u skladu sa Zakonom o penzijskom i invalidskom osiguranju FBiH (Sl. novine FBiH br. 29/98, 32/01, 29/99, 49/00, 18/05, 23/20, 49/21 i 90/21). Članom 31 tačka c) Zakona o pravobranilaštvu USK propisano je da funkcija prvobraniocu prestaje između ostalih i ispunjenjem zakonskih uslova za odlazak u penziju. Zakon o državnoj službi USK ne primjenjuje se na pravobranilaštva (član 10), kada je u pitanju ova materija, već opšti propis a to je Zakon o radu FBiH kojim je propisano da se poslodavac i zaposlenik mogu drugačije dogovoriti (Poslodavac Općinskom pravobraniocu je Općinsko vijeće).

Općinski pravobranilac je izabrani zvaničnik i nije državni službenik niti namještenik jer se na njih a vezano za status, imenovanje i ostalo primjenjuje Zakon o ministarskim, vladinim i drugim imenovanjima. Prema odluci o jedinstvenoj klasifikaciji djelatnosti u BiH, Pravobranilaštva nose oznaku 84.23 „Sudske i pravosudne djelatnosti“.

Sukladno navedenim zakonskim propisima, a na osnovu pismenog zahtjeva Općinskog pravobranioca, predlažem Općinskom vijeću da razmotri i usvoji ovaj prijedlog te da da saglasnost da se sa Općinskim pravobraniocem Husić Rasimom zaključi sporazum o produžetku rada odnosno prestanku radnog odnosa sa 31.12.2022 godine iz slijedećih razloga:

- završavanja predmeta koji su u postupku kod nadležnih sudova i zakazanih rasprava po sudskim predmetima i u upravnim postupcima,
- učešća Općinskog pravobranioca u naplati potaživanja od Agrokomerc dd Velika Kladuša po osnovu komunalne naknade u predmetima koji su pokrenuti kod Općinskog suda u Velikoj Kladuši, kao i od drugih izvršenika
- kao i zaključivanja staža osiguranja do kraja kalendarske godine.

U skladu sa Zakonom o pravobranilaštvu USK, u drugoj polovini 2022 pokrenut će se postupak raspisivanja konkursa za imenovanje Općinskog pravobranioca.

Obrađivač:

Služba za upravu, društvene djelatnosti i zajedničke poslove

PREDLAGAČ:

OPĆINSKI NAČELNIK
PRIJEDLOG

Na pisani zahtjev za produženje radnog odnosa Općinskog pravobranioca Husić Rasima od 15.03.2022 a na osnovu člana 94 stav 1 tačka c) i 95 Zakona o radu FBiH („Sl. novine FBiH „, br. 26/16 i 89/18), te 43 člana Statuta Općine Velika Kladuša („Sl. glasnik Općine“ br. 12/11) a na osnovu odobrenja i saglasnosti Općinskog vijeća Općine Velika Kladuša br. _____ od _____ zaključuje se

S P O R A Z U M **o prestanku radnog odnosa**

I

Općinski načelnik Općine Velika Kladuša i Općinski pravobranilac Općine Husić Rasim su se sporazumjeli o produžetku rada u Općinskom pravobranilaštvu do 31.12.2022 godine nakon sticanja starosne dobi od 65 godina života iz razloga:

- razloga završavanja predmeta koji su u postupku kod nadležnih sudova i zakazanih rasprava po sudskim predmetima i u upravnim postupcima,
- učešća Općinskog pravobranioca u naplati potaživanja od Agrokomerc dd Velika Kladuša po osnovu komunalne naknade u predmetima koji su pokrenuti kod Općinskog suda u Velikoj Kladuši, kao i od drugih izvršenika ,
- kao i zaključivanja staža osiguranja do kraja kalendarske godine.

II

Općinskom pravobraniocu Husić Rasimu, radni odnos prestaje dana 31.12.2022 godine računajući i taj dan, kada će mu se zaključiti radni staž i donijeti Rješenje o prestanku radnog.

Imenovani ima pravo na otpremninu o čemu će se na njegov pisani zahtjev donijeti posebno rješenje sukladno važećim propisima.

III

Sukladno tački I ovog sporazuma, Husić Rasim se odriče prava na žalbu na Rješenje o prestanku radnog odnosa sa danom 31.12.2022 godine koje proizilazi iz ovog sporazuma.

IV

Sukladno članu 25a Zakona o pravobranilaštvu USK na prijedlog Općinskog načelnika najkasnije šest mjeseci prije prestanka radnog odnosa Općinskom pravobraniocu Husić Rasimu, pokrenut će se procedura za izbor i imenovanje Općinskog pravobranioca.

V

Ovaj sporazum sačinjen u četiri istovjetna primjerka od kojih se jedan nalazi kod Općinskog pravobranioca, drugi kod Općinskog načelnika, treći kod Službe finansija, a četvrti u personalnom dosijeu uposlenika.

Općinski načelnik

Općinski pravobranilac

Fikret Abdić

Rasim Husić

Broj: _____/22

Datum: _____ 2022. godine;